



Vol XXXVII (37) No. 159

12 Tarik Jylliew (June) 2026

Kiar ban kdewkti lada ym lah ban snohkti lang

Ngi im ha kane ka juk kaba ïaid stet palat bad katba nang ïaid ki sngi bad ki snem ki jingeh ki la nang bun bad ka imlang sahlang jongngi ka sah ha ka um-dum ha kiba bun ki bynta. Haba nga pyndonkam ïa ka kyntien “imlang-sahlang,” nga mut ban kynthup lut ïa baroh ki nongshong shnong – kata ki longkmie, ki longkpa bad ki samla synrang bad kynthei. Ka sur jong kine baroh ka dei ban don ïa kajuh ka dor. Kat haduh mynta ïa ki kam khia kam shon kiba ïadei bad u syiem, lane bad ki district council la ïatai tang da ki rangbah namar ba ym shah ïa ki longkmie ban long ki nongkit kam ha ka dorbar shnong. Imat naduh hyndai la kheiñ ïa ka kynthei ba ka kham duna ka bor pyrkhât tang namar ba ka kham duna ka bor met. Lah ju ong ïa u shynrang u khat-ar bor bad ïa ka kynthei pat shibor. Hynrei kane kam dei shuh ka juk kaba ïakop tang da ka bor met. Kane ka dei ka juk stad kaba ïaid kam da ka jabieng bad ka bor pyrkhât. Na kata ka daw haba don ka eh ka shon ha ka imlang sahlang donkam ban ïamir jingmut lang bad shynrang bad kynthei khang ban ïoh ïa ki jingmut kiba lah ban pyntrei kam.

Ha ka imlang sahlang jongngi lah shu pynkit khia eh tang ïa ki “seng bhalang.” Ha ka ktien phareng la khot ïa kine ki seng kum ki “pressure group,” kaba mut ba ki dei ki kynhun kiba kdew ïa ki jingleh bakla ki bor sorkar bad kiba pyrshang ban wanrah ïa ka jingpynbeit da ka jingïakren. Kine ki seng bhalang ki don la ka jong ka bynta ha ka ri synshar paidbah (democracy) hynrei ha kajuh ka por donkam ruh ïa kawei pat ka kynhun kaba ïeng laituluid khlem ïashah liang ïano ïano ruh bad ruh kaba lait ba ka politik. ïa kum kata ka kynhun la khot ka “civil society,” lane ka kynhun trei laituluid kaba shim khia ïa ki jingduna ha ka synshar khadar bad kiba pynpaw ïa ki jingsngewkhia jong ki da kaba ïaid proseshon lane da kaba pynlong ki jingïalang paidbah. Ha kum kane ka jingïalang baroh kiba sngewkhia lem ïa ka synshar ka khadar ki wan bad ki pynsngew ïa ki jingsngew jong ki. Kam pher la i ka dei ki kynthei ne ki shynrang. Baroh ngi don ka hok ban kren bad pynsngew ïa ki jingeh jong ki bad ruh ban long kiba kloï ban ïatrei lang ha ka ban weng ïa kita ki jingeh. Ym dei ban kut tang ha ki jingïalang bad jingïakren kumba kyrhuh pyrthat.

La ju khot ïa kane ka Ri Khasi kum ka ri tip-briew tip-Blei hynrei ngi klet noh pat ba u briew hi u long u briew bad u don ïa kijuh ki jinglong satlak pyrthei. Ki Khasi kim dei ki briew kiba kham phylla ban ïa kiwei pat. Don u nongtuh, u nongpyniap briew, u nongleh be-ijot bad kumta ter ter kumba long lem ha kiwei ki jylla. Te ka bha ban ïa pdiang ïa kane ka jingshisha ha ka jaka ban shu ïa im ha ka juk mutdur ba ki Khasi ki long kata ka jaitbynriew kaba kyrpang. Lait noh ka jingai jait na ka kmie, ki Khasi kim ïapher ei ei ruh ka jinglong na kiwei ki para briew. Bad ïa kane dei ban pdiang khnang ba lah ban pynbeit ïa ki imlang sahlang.

Hynrei ngi shu im sa tang ha ki jingsngewbha bad ka tem ka put, ka rwai ka siaw. Ki jingrwai aiu shuh ba ngim rwai shaphang ka mariang bad kumno ba ka la jot lah pei. Hynrei aiu pat ngi ïa leh ban ïada ïa ka mariang na ki bor kiba pynjot ïa ka.

Bad haba kdew ïa kane pat kita ki nongpynjot mariang ki ong ba ki kamai ja kpoh. Hato phin kamai jakpoh maphi katba ki tyllong um baroh kin rngad noh? Hato ka jingïoh spah ki khyndiat ngut katba kiba bun balang pat ki shah lyngshop ha ka jingbitar jong ka mariang? Peit haduh katno ka la kiew ka jingshit ha kane ka jylla jongngi. Hato ngi ïashong pyrkhât ban ïa kylli balei sha haduh katne ka kylla ka mariang? Em, baroh ngi ïa ïaid la ki jong ki jong ki kam bad ngim salia ban wanrah ïa ka jingkylla da kaba ngin ïa thung dieng thung siej ha ki jaka kiba la syllen; ki jaka ha kiba lah pom pathar ïa ki dieng heh, da ki katto katne kiba kwah kamai spah na ka mariang, wat la i ki tip ba ki dieng ki ïarap ban pynneh pynsah ïa ka um bam um dih bad ki ïarap ruh ban pynkhuid ïa ka lyer bih.

Don bun bah ki mat ki phang kiba dei ban shim khia bad ïathir, hynrei ym don ba ïalam lynti. Teng teng nga ju pyrkhât balei ba ngi don kata ka Dorbar lada ngim lah ban ïakynduh ban ïatai ïa ka eh ka shon jong ka jaitbynriew ha kine ki por kiba hiran katne katne. Haduh lano keiñ ngin shu ïa sngap mutloop bad ap tang ïa kita ki seng bhalang ban kit ïa ka lyngkor bakhia jong kane ka imlang sahlang?

Mynta lei lei lah nang bun ki jingeh kiba ap ïangi ha ka dur jong ki drok. Bun ki ïing ki sem ki don hapdeng ka jingeh kaba khraw haba don uwei na ïing uba la hap ha kane ka jingmlien.

Dei hangne kein ba ngi donkam ki jingïakren, ïaphylliew jingmut bad ïatai ha ka imlang sahlang. Khlem kata ngim lah ban shuh shaniah beit tang ha ki dorbar shnong lane tang ka ha sorkar. Ka jingïatrei lang jong baroh ki nongshong shnong kan wanrah ïa ka synshar khadar kaba kham ïaid beit.

KA UPPER SHILLONG HA KI SNGI BA LA LEIT NOH

U Spiton Kharakor

Ka Upper Shillong ka long ka shnong kaba don shathie na ka wah Umshyrpi bad sha sepngi na ka Wah Umjasai. Ka don marjan bad u Lum Shillong harud ka Surok National Highway No. 40 jong ka Shillong Dawki-Tamabil bad surok Sohra, Mawsynram bad Nongstoin. Ki Shnong kiba don ha ka thain Upper Shillong ki long (1) Lummawbah (2) Nongkseh (3) Umlyngka (4) Nongumlong (5) Laimer (6) Sawmer (7) Sanmer (8) Mawklot (9) Nongpyiur (10) Umdiengpun ne Hynniewmer.

Ki shnong ba kham rim napdeng kitei ka dei ka Nongkseh , Umlyngka, Nongumlong, Mawklot, Nongpyiur bad Umdiengpun. Ki kyrteng thymmai kum ka Laimer, , Sawmer, Sanmer ki long ki shnong kiba dang shu mih ynda la shna ïa ka surok ïaid kali kulai ïaid kali motor sha Sohra. Ki trai bri trai jaka naduh Lai mer shaneng haduh Sanmer ki dei ki kur Kharkongor, Thawmuit, Kharbudnah bad jait Nongkhlaw.

Ha ki snem 1861 ter ter ka sorkar Phareng ka la thied jaka ha Armer bad Sanmer , Hynriew Mer bad Hynnñiew Mer Upper Shillong ha kaba la shna ïa ka Umlong Cantonment ha Armer. Ha kane ka len shpai u trei kam u Heh duh jong ka Indian Army u Lt. General uba ki ong u dei u General Officer Commanding ka dong shatei lam mihngi jong ka India. Ia ka Headquarters jong u la tip da ka kyrteng “101” . Haduh ka snem 1947 shwa ba ki phareng kin mih na India, la tip ïa katei ka jaka trei u heh shipai G.O.C kum ka Braemer Estate’.

Ka Indian Air Force ka don ka Headquarters ha Hynniewmer. U khlieh duh ka Eastern Air Command u dei u Air Vice Marshal bad u pynïaid kam ïa ki Liengsuin ïaleh thma nangne na Upper Shillong. Katba lah ban kynmaw katei ka Headquarters ki Air Foce ka sdang treikam naduh ka snem 1964 ei ei, kata hadien ba ka Ri India ka la shah hiar thma ha ki China ha u October 1962. La tei ïa ka Upper Shillong Helpad jong ki Military ha ka snem 1963.

Haba la pynlong ïa ka Shillong kum ka Nongbah ka Ri Assam ha ka snem 1874, ka Upper Shillong ka la sdang na ki shnong kiba rit kiba dang khyndiat briew bad ki la nang heh nang heh suki suki. U Viceroy jong ka Ri India u la wan khmih ïa ka Shillong ha katei ka juh ka snem 1874, da kaba shong da ka jhad naduh Calcutta lyngba ka Wah Padma bad ka Wah Brahmapurat. U la hiar nyingkong ha Guahati, nangta u la wan sha Shillong da ka surok G.S. Road haduh Shillong. Ym tang katta, u la wan jngoh ïa ka thain Upper Shillong de. U la ai jingmut, ba khngan ban pynitynnad ïa kato ka thain naduh Armer haduh Pomlum dei ban shim jaka noh da ka Sorkar. Ki bor sorkar Assam ki la leh ïa kata mardor. La shimti noh shibynta ïa ka jaka jong ki briew bad la thaw ïa ka ‘law sorkari ne kita ki Govt. Protected forests naduh Laitkor, Riat Laban, Upper Shillong haduh Pomlum ha ki ranab ba marjan bad u Lum Shillong. Ngim lah ban tip lada ym dei ba wan jngoh u Viceroy ka Ri India sha Shillong, hato ka Upper Shillong ka lah ma ban ïoh ïa ka burom kum ka jaka ba itynnad ha kaba ki ‘er iwbih kin ïai suhsieng ban ring mynsiem ïa ka oxygen na ki law diengkseh jong ka.

Haba ka Sorkar phareng ka la ïoh jaka ha Upper Shillong ka la nang kwah shuh shuh haduh u kliar lum Shillong syndon. Ia kane, u Rajah Melay Sing ka Hima Mylliem (Kñi tymmen jong u Pa’iem Latho Manik Syiem) um shym la shah satia ne kohnguh. U la ong ba u Lum Shyllong u dei u Lum Niam, kumta ym lah ban don ne long trai khyndew dano dano ruh. U la sait ïa la ki jong ki kti, ba um lah ban die ïa u lum niam jong ka Jaid Bynriew sha ki kti jong ka Sorkar Phareng. (Ia sot na ka kot “From Residency to Raj Bhavvan – A History of the Shillong Government house”) ha ka Lynnong “Acquisition of Land”ne jingshim jaka ka Sorkar, page 25-26.

Ki Sngi bad ki por ki la nang ïaid ha ki shalyntem jong ka por. Ka Upper Shillong ruh ka la nang ïai kylla dur katkum ki juk. Ha ka por synshar phareng ki sahep bad ki mem ki juh ban shong ban sah ha Upper Shillong kum ka jaka ba pynggad. La ïathuh ba don haduh 14 tylli ki ïing bangla naduh lai mer haduh Sawmer shiteng ba sah ki phareng.

1. Ka Iing Bangla Rong Jyrngam kaba dei ka jong u Sahep Gilfelen ba don ha Nongkseh ha syndah Iing I Kong Alvareen

KA JINGKYRNI KA JINGDIH SIKRET

Daniel Robinson Kharnary

Ka jingdih sikret ka ka long kawei na ki jingdih kaba khate ïa ka jingim jong ngi ki briew bun na ngi ngim sngewthuh ba kumno ka khate ïa ka jingngi, hynrei suki pa suki ka ïai pynthait ïa ka jingmut jingpyrkhat bad pynduna ïa ka bor jong ngi, haba ngi ring bad pynhiar mynsiem ,don ruh ka por haba u ïaid stet shaba palat bad lada u long uba kyrni ha ka dih duma u sngew ba ka shadem jong u ka sngew ban pait bad pra u sngew ba um don jingsuk bad u lynga bad long ba ka tdem ka la dap ha ka shadem jong u bad ka pynlong ruh ba ka tdem ka set ïa u klong snam, bad kumta ka snam kam lah ban pra ne shu sha ki thied ki jaw ha ka rukom ba dei bad ka ïaid bakla noh ne ka suki noh.

Bad balei ka long kumme ha ri jong ngi ba kat ba nangmih ki sngi ïa ka jingjot ka nang kynrei ha ri jong ngi. Kumno yn leh ban pynduh noh ïa ka, bad ha kawei ka liang ki bor ba dei peit bad pynïaid ïa ki kim shym kit khia satia namar ba ka tieng ba ïoh ki ngat ïalade, haba peit bad wad bniah nga shem ba bun na ki khynnah kiba dang hapoh ka rta ba ki ‘la long ka jingkyrni ban dih sikret, ym tang ki khynnah surok ne nongkyndong hynrei haba ngi peit bad bisnar bniah ba ha sor yn ym don uwei ruh u khynnah skul uba lah ban lait ban dih sikret, hynrei bun na ki khynnah skul ki la dih sikret shaba palat, haduh ba la i kumba ki kmie ki kpa ki ai pisa ban thied jingbam hynrei da khongpong ba ki khynnah ki thied pynban da ki jingpynmih tdem na ki khmut khnang

Lyngdoh. Ha kane ka ïing la wan sah pyngngad sah sumar pang shipor U Prime Minister ba nyngkong jong ka Assam ha ka snem 1937 bad 1943 haduh 1946 . Kane ka ïing ka dang sah kumto haduh mynta.

2. Ka ïing Bangla jong u Sahep John Edmund Haffield uba dei u trai jong ka “Chesnut Lodge” ba don bun ki diengsohot Phareng. La sin kyrteng ïa une u shep Irish kum u Sahep Pyngkding, namar u long uba sngaid. Ha kane ka ïing bad ka jaka jong u la ieng mynta ka st. Paul’s Seminary ha 3rd Mer.

3. U Sahep Melish u dei u trai jong ka Farm dieng soh u ba shongkha ïa I Kong Niak Nongkhlaw. Kane ka Farm ka la duh noh mynta. La tip ïa ka mynta kum ka Riatsohkhlor ba la dep die lyngkhot lyngkhot sha ki Khar Nepali bad katto katne ngut ki Khasi de.

4. Ka “Meath Home ka dei hapoh ka jingsumar u Haidu Sahep na Calcutta. Man la ka por lyiur u ju wan ïalam kai ïa ki khun Sahep khun men na ri Dkhar ban pynsah hangne ha ïing haduh ka snem 1946-47 ei ei. Ki Nongtrei jong ka Meath Home ki sah ha ka jaka ba don ka Bormanik College namar ka dei ka jaka jong ka Meath Home. Katba ki syiem Tripura kim pat tei ïa ka Tripura Castle” ha Cleave Colony, la ong, ki la ju sah ha katei ka Meath Home. Ha kane ka jaka ki don ki kor ki bor ba ba thew ïa ka jingsdang bad jingïaid lynti u Khmi ne u Khynniuh jumai jong ka Ophis “India Meteorological Departemnt” ha 3rd Mile.

5. Ka ïing Bangla jong u Sahep Robert Edmund Haffield ha 3rd Mile ka sah kumjuh kumba ka long . Ia une u Sahep Irish ki sin u Sahep raikhoh bad u shongkha bad I Kong Kriksibon Kharkongor. U long uwei na ki sahep ba kham don kham em jong ka Upper Shillong.

6. Ka ïing Syiem Nepal mynshuha ka dei ka jong uwei u sahep ba ju shna ïa ki pleit ne plate lyngba ka ïing factory jong u. U ai kyrteng ïa ka ïing da ka “Wilton Hall”. Hadien la thied da uwei u Syiem khynnah ka Nepal kaba u ju leit uju wan bad u sah shipor ar por bad ka Mahadei kliar jong u. Ki ong ka khun jong u ka la die noh ïa ka Bangla bad jaka puta sha ka Office jong ka Indian Institute of Geometism bad ka leit sah noh ïalade sha Calcutta. 7. Ka ïing Bangla jong u Sahep Mawatt la ai kyrteng da ka “Pine Ridge”. La die mynta ïa kane ka Bangla sha ki Khasi.

8. U Sahep Berkeley u trei kum u Sahep Bishar Magistrate bad u dei u Trai jong ka “Raj bari”. U shong marwei bad um don khun don kti. Ki ong u la thoh WILL lut ka Spah ka phew bad jingdon jingem sha ki nongtrei ïing jong u. Kawei ka jait syiem kynthei, Manipuri ka ba ïoh lok sahep bad ka la sah ha katei ka ïing. Ia u khun jong ka la sin kyrteng da u Raj Kumar. Ka kyrteng ba pura jong u ka long u Mr. Edward Lawrence Mcculloch . Une u Sahep u la khlad noh ha ka snem 1958. U dei u kparad jong I kong Jenifer Diengdoh.

9. Ka “Evergreen Cottage” ka dei ka ïing bangla kaba don ha Sawmer shiteng. Mynshwa ka dei ka ïing jong ka Mrs. Townsen, bad hadien pat la leit sah sa u Bahu William ha katei ka ïing. U World Renowned Naturalist u Sahep E.P.Gee u sahep shong khyrnraw u la sah marwei ha katei ka ïing bangla haduh ka snem 1966-67 ei ei. U la lum ïa ki syntiew ki skud bad la thung ha katei ka Bangla. U la shondur wat ïa u khla katba u dang anghyntur wat najan bha khlem jingsheptieng ei ei. Shipor la shim wai ïa katei ka ïing da ka Ophis MeSEB ban siew bill Electric ha ka thain Upper Shillong.

10. Ka don sa kawei ka ïing Bangla kaba don jngai na ka surok bah ha syndah ka ‘lawsorkari kaba la jer kyrteng da ka “Rose Cottage, kaba la tei ïa kato ka ïing bangla kaba heh,naduh ka snem 1929. Hangne ju shong ju sah u Sahep John Batram Ram haduh ki sngi ba un da khlad na ka pyrthei. Ki nong Sawmer ki sin ïa u kum u Sahep Rem, uba ju sngewtynnad ban shong kulai dangstep dang step naduh Sawmer haduh ‘Law Jynriew haneng Fire Brigade Laitumkhrah, lyngba ka lynti kodom kulai ne ka Bridle’s Path ka lynti ïaid kulai”. I kmie jong u Rangbah Manoj i Kong Rose Mary Mawlong i sah mynta ha kane ka Bangla u Sahep Rem hyndai.

11. U Sahep dih smuk ba ri syiar ha Sawmer shiteng u dei u Mr. Carother. Une u sahep u shong kha ïa ka Kharkuli kaba na Silchar Barak Valley jong ka Assam. Ynda la iap utei u

sahep, kane ka lok ka la leit phai sha la shnong bad ka die noh ïa ka ïing bad ki jingdon jingem jong u.

12. U Mr. Blake jong ka Ri Scotland u la tei ïa ka ïing Bangla ha Sawmer shiteng. U la ïapoi kha bad I Kong Nelsi Kharshiing. U la die noh ïa ka bangla ïing ha ki Syiem Charkari jong ka Uttar Pradesh. Jait ba dei ki Syiem te ki im bad leh kmen sadhai bad ki ri ïa ki ksew da ki dorjon. Mynta sah sa tang jingkynmaw. Kine ki Syiem ki la die ïa ka, bad la thied da uwei u Khasi badon baem na Shillong.

13. U Sahep Ernest Montgomery Wood u la long uwei na ki sahep ba paw khmat ba ju sah ha Upper Shillong bad la ki khun ki kti ha “Sunny Side”. Une u Sahep u la ïapoi kha bad I Kong Mini Swer bad ïoh hynriew ngut ki khun ki kti, kawei ka dei ka kynthei bad san ngut ki shynrang. Ki la die noh ïa ka ïing jong ki sha ka Catholic Mission ha ka snem 1953. U Khun rangbah jong ki u dei u Brigadier Ronald Earnest Wood Swer. Une u la rung kum u Military Officer ha ka Indian Army. Ha ki snem 1943-45 u la leit thma sha ka Ri Burma pyrshah ïa ki Japan. U la bat ïa ka kyrdan Brigadier jong ka Assam Regimental Centre haduh ba un da shong thait. Haduh mynta dei tang ma u marwei napdeng ki Khasi uba la ïoh bat ïa ka Rank kaba saw ha ka Military order jong ka Indian Army ban ïalam ïa ki shipaiïia ka Brigade baroh kawei kum u Brigadier jong ka.

U Brigadier R.E.W. Swer u la ïapoi kha bad ka mem French Phareng. U la khlad noh ha ka snem 1984 ha Ri France .

14. U Mr. Hall u long sa uwei u sahep, ba ki nong Sawmer ki dang kynmaw teid ïa u, kum u Sahep Upper Shillong ba don ka main Sahep. Une u la ïa poikha bad I Kong Kre. Ha kane ka bangla jong u la wan sah khadduh sa u Sahep R.F. Twist uba ju trei kum u Garden Tea Manger sha Ri Dkhar haduh ki por synshar phareng. Une u dei u Sahep European uba la sah khadduh bad im ha Upper Shillong haduh ka sngi ka jingkhlad noh jong u ha ka snem 2007. La tep ïa u ha u lum jingtep ‘Law diengmet jong ka Sawmer.

Haba ngi ialap khana ïa ka Upper Shillong ha ki sngi ba la leit noh, ngim sngewdei ban klet ïa ka Nur-um kaba tuid shar shar naduh Sangmein haduh ka Farm thung soh u Sahep Melish bad Kong Niak Nongkhlaw ha Riat Sohkhlor kaba tuid lyngba ka Farm Hynriewmer sha Sanmer, Sawmer, tuid lyngba ka Phyllaw Syntiew ha Meath Home(Lai mer) haduh Farm thung soh.

La ai kyrteng ïa katei ka Nur-um kum ka Upper Shillong Aqweduct ba la tei ïa ka naduh ka snem 1938-39 ei ei. U Sahep Edward Lawrence Mcculloch u ju khmih bha ïa katei ka Aqweduct tad haduh ba un da khlad noh ha ka snem 1958. Ka la long ka jingmyntoi ha kito ki por ban saitjain sait nep, thung jingthung bad ri jingri da ka jingdon katei ka Aqweduct. Lai snem hadien ba la khlad u Sahep Mcculloch kata ha ka snem 1961, katei ka nur-um ka sdang duh noh bad kam shym poi um shuh sha Laimer.

Ka Upper Shillong ka la ïaid lyngba ki jingsuk bad jingpalei ha ki sngi ba la leit noh. Kawei ka jingsyier ïa ka Upper Shillong ka long ka jingkhapngiah kali naduh Umshyrpi haduh 101 haduh Laimer man ka sngi. Sa tang arnem ka surok National Highway na Tura-Nongstoin kan poi haduh Hynniew Mer. Te ka jingkhapngiah kali kan lah ban poi shaduh Lai Mer haduh Umshyrpi man ka sngi.

Tang kane kawei ngi kyntu ïa ki bor ba dei khmih ïa ki surok P.W.D, ban shna kyrkieh sa ka Upper Shillong Bye pass na Sawmer shaduh Lawsohtun Block –VI lyngba ka Bridle’s path ne lynti ïaid kulai hyndai. Bad kawei pat ka surok dei ban shna na Sawmer sha Sohbir, Sohtyngab, Nongumlong haduh Wah Umiam. U Rangbah Nit Shabong Ex-MLA ka Meghalaya ula iohi jngai ïa ka jingdonkam ba na Upper Shillong Umlyngka, dei ban pyniasoh da ka surok kali sha Shiliangum Lum Diengie, khlem da hap ïaid shuh na Mawlyndep-Umbir-Ri Bhoi lada wan sha Shillong. Ka Upper Shillong ka donkam eh ïa ki Scheme Urban Development namar ba ka la long lypa ka shnong khapsor ba don jingkyrmen. Ki Ministers, ki MLA’s Meghalaya bad u Opposition Leader ka Meghalaya Legislative Assembly ki la wan thied jaka shongiing sha Upper Shillong mynta, ban long ki nongshong shnong ba hadien jong ka shnong Upper Shillong.(Phaidien)

ki heh spah ha ki Marwari baroh bad bunsien une u long uwei na ki heh spah uba bat ha kti la jong ïa ki nongïalam jong ngi, ki MLA bad dei ruh uwei uba ki nong supply sikret ne ki jait jingdih bapher bapher bad kiwei kiwei ki mar ki mata. Na kawei ka por sha kawei pat u shu pynkbum ne pynkham da ki lut ïong lyngba ki nongïalam jong ngi kiba dei peit ïa ki adong ban pyndonkam bad ki klet ba adong ban pyndonkam bad ki klet ba ka jingleh jong ki kaba long ka jingpynïap ïa ki jaidbynriew la jong kumta ka shu sah tang ha ki jingkren bad jingkular ym ha ki jingpyntreikam.

Hato ym lah mo ban pyndonkam hok ïa ka ain ba ki la kular ne ban peit ïa ka bha ka miat jong ki paidbynriew baroh ne ka shu biang ban kner tang ki kti ban kynrup ïa ka pisa tyngka lada ka long tang ban shu kner kti ne tang katto katne sngi ka ri bad ka jaidbynriew kan ngat ha ka jingeh bakhrav namar shisien ba la mlien bad kyrni ka jingdih kan pyniap bad pynmynsaw ïa ka jinglong briew, bad khamtam ka jingdih дума palat ka khate bad shim ïa ka jingim briew bad u briew ba dei ban im bun bun snem hynrei lada u long uba kyrni ka jingdih khlem artatien ka jingim jong u ka lyngkot noh, bad kawei ka jingdih ka pynsniew khamtam ïa ka lyer khuid kaba ngi ring mynsiem bad kaba ki dieng ki siej ki pynmih hynrei lada ka bun tang ka tdem sniew khlem pep ka lyer ba khuid kan jaboh noh de kumta lada ka long kaba leh to kiar bad weng ïa ka jingsniew na ka jingmlien bad dih kyrni, bad to long kiba kloï ban ïaleh pyrshah ïa ka jingsniew namar kan wallam ïa ka lawei bad mariang ba phyrnai.(Phaidien)